

## აკრძალვები და შეზღუდვები სახმელეთო ამანათის შიგთავსის მიმართ

- 5.1. დაუშვებელია ისეთი სახმელეთო ამანათის გაგზავნა, რომელიც არ შეესაბამება წინამდებარე დოკუმენტიდან და საქართველოს მოქმედი კანონმდებლობით განსაზღვრულ მოთხოვნებს, მათ შორის, აკრძალულია სახმელეთო ამანათის გაგზავნა თაღლითობის ხელშესაწყობად ან გადასახდელი თანხის გადახდის თავიდან არიდების მიზნით.
- 5.2. სახმელეთო ამანათით აკრძალულია შემდეგი დოკუმენტების/ნივთების გაგზავნა:
- 5.2.1. ნარკოტიკები და ფსიქოტროპული ნივთიერებები, ნარკოტიკებზე კონტროლის საერთაშორისო კომიტეტის განსაზღვრების შესაბამისად, ან დანიშნულების ქვეყანაში აკრძალული სხვა ნივთიერებები;
  - 5.2.2. სახიფათო ტვირთის კატეგორიას მიკუთვნებული საგნები, მათ შორის:
    - ❖ ინერტული ფეთქებადი მოწყობილობა და საბრძოლო მასალა, მათ შორის, ინერტული ყუმბარები და ჭურვები და სხვა ანალოგიური საგნები, ასევე ასეთი მოწყობილობების და საგნების მულაჟები;
    - ❖ რადიაქტიული ნივთიერებები;
    - ❖ ინფექციური ნივთიერებები.
  - 5.2.3. ნებისმიერი საგნები, რომლებიც დაკავშირებულია პედოფილიასა და ბავშვთა პორნოგრაფიასთან;
  - 5.2.4. კონტრაფაქტული და მეკობრული, ასევე სხვისი სასაქონლო ნიშნით უკანონოდ ნიშანდებული (მარკირებული) ან ფალსიფიცირებული ნივთები;
  - 5.2.5. ცოცხალი ცხოველები;
  - 5.2.6. ფულის ნიშნები, ძვირფასი ლითონი და/ან ქვები, ასევე მათი ნაკეთობები;
  - 5.2.7. პირადობის დამადასტურებელი ნებისმიერი დედანი დოკუმენტი (პასპორტი; პირადობის მოწმობა; ბინადრობის მოწმობა; მართვის მოწმობა და სხვა);
  - 5.2.8. თამბაქო და თუთუნა;
  - 5.2.9. ხორცი და ხორცის ნაწარმი, გარდა 5.3.2. პუნქტით განსაზღვრული ხორცის ნაწარმისა;
  - 5.2.10. არაქარხნული წარმოების ნებისმიერი სითხე, რომელშიც დუღილი არ არის დასრულებული ან ის გაზირებულია (მათ შორის: მადუღარი ტკბილი; მაჭარი; ცქრიალა ღვინო; ბადაგი და სხვა);
  - 5.2.11. საგნები, რომლებიც თავიანთი ხასიათით ან შეფუთვით შესაძლოა საფრთხეს უქმნიდეს ფოსტის თანამშრომლებს ან მესამე პირებს, აზინძურებდეს ან აფუჭებდეს სხვა გზავნილებს, საფოსტო ტექნიკას ან მესამე პირის საკუთრებას;
  - 5.2.12. ნივთი, თუ ის იგზავნება კომერციული დანიშნულებით.

5.3. ქვემოთ ჩამოთვლილი პროდუქტების/ნივთების გაგზავნა შესაძლებელია შემდეგი

შეზღუდვებით (თუ დამატებითი აკრძალვა არ მოქმედებს კონკრეტულ ქვეყანასთან მიმართებაში):

5.3.1. თაფლი - არაუმეტეს 3კგ-სა;

5.3.2. ტექნოლოგიური დამუშავების შედეგად მიღებული შებოლილი, დამარილებული ან გამხმარი ხორცი - არაუმეტეს 3 კგ-ისა;

5.3.3. ნებისმიერი სახის ყველი - არაუმეტეს 4 კგ-სა (მოთავსებული ჰერმეტიკულად, დახურულ პლასტმასის კონტეინერში, სითხის გარეშე);

5.3.4. ალკოჰოლური სასმელი:

(ა) ქარხნული წარმოების - არაუმეტეს 2 (ორი) ბოთლისა, რომლის საერთო მოცულობამ არ უნდა გადააჭარბოს 5 (ხუთ) ლიტრს.

(ბ) არაქარხნული წარმოების ( მოთავსებული პლასტმასის ბოთლში, რომლის მოცულობაც არ უნდა აჭარბებდეს 3 (სამ) ლიტრს) -

● ღვინო და/ან ლუდი ერთობლივად - არაუმეტეს 10 (ათი) ლიტრისა;

● ნებისმიერი სხვა სახეობის ალკოჰოლური სასმელი (გარდა 5.2.10 პუნქტით დადგენილი გასაგზავნად აკრძალული სასმელისა) - არაუმეტეს 5 (ხუთი) ლიტრისა.

5.3.5. ერთგვაროვანი სახეობის ახალი/უხმარი ნივთი, არაუმეტეს 2 ერთეულისა (მაგ: 3 ცალი ახალი შარვალი, 4 ცალი ახალი ქამარი და ა.შ.).

5.3.6. დოკუმენტის (გარდა პირადობის დამადასტურებელი ნებისმიერი დედანი დოკუმენტისა) გაგზავნა შესაძლებელია მხოლოდ სხვა ნივთთან/ პროდუქტთან ერთად.

5.3.7. მედიკამენტები (გარდა ნარკოტიკული ან/და ფსიქოტროპული ნივთიერების შემცველი მედიკამენტებისა) - მხოლოდ ქარხნული შეფუთვით და არაუმეტეს 300 გრამისა. ამასთან:

(ა) ერთი სახეობის აბები - არ უნდა აღემატებოდეს 10 (ათ) ფირფიტას;

(ბ) სხვა ტიპის (მათ შორის, სითხის შემცველი) მედიკამენტები - არ უნდა აღემატებოდეს 300 გრამს.

**შენიშვნა:**

მედიკამენტების გაგზავნა შესაძლებელია მხოლოდ დამოუკიდებელ სახმელეთო ამანათად. მასთან ერთად სხვა საქონლის/პროდუქტის გაგზავნა დაუშვებელია.

5.4. ნებისმიერი ქვეყანა უფლებამოსილია წინამდებარე დოკუმენტის 5.1.-5.3. პუნქტებით განსაზღვრული აკრძალვებისა და შეზღუდვების გარდა, საკუთარ ქვეყანაში შემავალი სახმელეთო ამანათის შიგთავსის მიმართ დაადგინოს დამატებითი აკრძალვები და შეზღუდვები. შესაბამისად, კონკრეტულ ქვეყანაში სახმელეთო ამანათის გაგზავნისას წინამდებარე დოკუმენტის 5.1.-5.3. პუნქტებით განსაზღვრულ აკრძალვებთან და შეზღუდვებთან ერთად, ასევე მოქმედებს შესაბამისი ქვეყნის მიერ დადგენილი მოთხოვნები.

- 5.5. თუ სახმელეთო ამანათის შიგთავსის მიმართ საქართველოს მოქმედი კანონმდებლობით დადგენილია დამატებითი დოკუმენტის (ნებართვის) წარდგენის ვალდებულება, ასეთი გზავნილის გაგზავნა განხორციელდება გამგზავნის მიერ მხოლოდ შესაბამისი დოკუმენტის წარმოდგენის შემდეგ.
- 5.6. შპს „საქართველოს ფოსტა“ უფლებამოსილია უარი თქვას სახმელეთო ამანათის გაგზავნაზე, თუ მიიჩნევს, რომ ის შეიცავს წინამდებარე დოკუმენტის 5.1. და 5.2. პუნქტებით განსაზღვრულ აკრძალულ შიგთავსს, ან იგზავნება წინამდებარე დოკუმენტის 5.3. პუნქტით დადგენილი შეზღუდვების გაუთვალისწინებლად.
- 5.7. სახმელეთო ამანათი დანიშნულების ქვეყანაში გაგზავნამდე გადის უსაფრთხოებისა და საბაჟო კონტროლს. თუ აღნიშნული პროცედურის გავლისას მასში აღმოჩენილი იქნება დოკუმენტი/ნივთი, რომლის გაგზავნაც აკრძალულია მოქმედი კანონმდებლობით, ან მისი გადაზიდვა შესაძლოა საფრთხის შემქმნელი იყოს სატრანსპორტო საშუალებისთვის, ასეთი სახმელეთო ამანათი დაექვემდებარება ამოღებას და/ან გამგზავნისათვის დაბრუნებას.